

**Veritates Christianæ Qvæ Modvm Exhibitent Benè Vivendi
Et Benè Moriendi**

Balde, Hendrik

Ipris, 1689

73. Cap. Eodem opere peccatoribus, & Fidelium Defunctorum animabus
opitulari possumus.

Nutzungsbedingungen

[urn:nbn:de:hbz:466:1-56447](#)

cissimus est modus, ut ubique Dei nomen
Sanctificetur, ejusque regnum adveniat.

CAPUT LXXIII.

Eodem opere peccatoribus & Fidelium Defun-
ctorum animabus opitulari possumus.

BOnum ac imprimis laudabile est, ab-
stinentiae, vigilijs, orationibus se dare,
rem divinam ad aram offerre pro impetrان-
da peccatorum conversione, præsertim
corum, qui per universum orbem in ago-
ne luctantur, non sine gravi æternæ dam-
nationis periculo; siquidem extremâ ur-
gente necessitate, extrema atque effica-
cissima sunt adhibenda remedia.

Sed longè melius est ac laudabilius,
ijsdem illis operibus etiam animas flam-
mis piacularibus detentas adjuvare; nam
hæc duo rectè fructuoseque semper con-
jungi queunt.

Cilibet hominis justi bono operi vis-
inet promerendi, satisfaciendi & impe-
trandi.

Operum nostrorum meritum, id est,
gratiæ, gloriæque incrementum in alios
derivare, Deo sic volente, neutquam
valimus; id enim non fieret, nisi cùm

detrimento per omnem æternitatem non
reparando

Satisfactionis & impetrationis diversa
est ratio: illam alijs impetriri, atque adeo
pro aliorum possumus satisfacere peccatis
possumus etiam, ut nobis ipsis, ita & alijs
quidpiam impetrare.

Satisfactio nostrorum bonorum operum
fidelium defunctorum animabus, se ipsis
juvandi potestate destitutis, prodesse po-
test; attamen non prævaricatoribus, quam-
diu in statu noxæ mortiferæ versantur.
Vbi enim remanet culpa, illic non tollitur
pæna.

Impetratio applicari valet peccantibus,
qui omnem de se ipsis abjecere curam,
qui que interim ad inchoandam conver-
sionem suam divino indigent auxilio, quò
se reddunt indignos ob infelicissimum
statum, in quò delitescunt.

Hoc igitur est ingeniosum amoris in-
ventum, ut ex bonis nostris operibus nihil
amittatur eorum, quæ & vivis prodesse
possunt, & defunctis.

Illi ergo sapiunt, qui, dum cibo se ab-
stinent, stipem erogant, aliasve bonam
inchoant actionem, hanc ei præfigunt in-
tentionem.

Mi Deus! tuâ causâ, tuique amore opus
istud

istud aggrediar, pro impetranda peccantium conversione, vel ut iste mihi probè notus tandem aliquandò ad frugem redeat, vel ut iste hæreticus orthodoxam fidem amplectatur, mihique obtineam perfectam castitatem, obedientiam, animi demissionem, &c.

Operis hujus satisfactionem impetrior animabus in igne purgatorio detentis, vel illi animæ, cui maximè sum obstrictus, &c.

Hoc longè præstat? quemadmodum enim melius est eodem fune duobus naufragis openi ferre, quam uni soli; ita longè consultissimum est, eodem opere juvare & peccantes, & defunctorum animas, quam vel has solum, vel solum illos.

Hac viâ nunquam vel minima particula bonæ tuæ actionis peribit: merita tua insuper erunt multò copiosiora; quia proficiuntur à majori charitate, illâ scilicet, quæ & ad animas fidelium defunctorum, & ad prævaricatores etiam se extendit.

Zelus animarum universos complectitur & vivos & mortuos, quibus ex commiseratione succurrere, præter multa alia ingentia bona, felicem parit & longevam vitam: animæ enim ope nostrâ in Cælum

perductæ id à Deo sc̄e penumérò impetrant,
ut hoc modo plura quotidiè bona opera
accumuleremus, utque diù quā vivis, quā
defunctis simus auxilio.

*Si amas te, proximum diligē, inquit S.
Eucherius (a) quia nihil magis commodis mis-
dabis, quam quod contuleris alienis.*

CAPUT LXXIV.

DE PERFECTIONE.

MAgna felicitatis est in eo statu vi-
vere, in quo nonnumquam una al-
terave suppetit hora, ut de Deo, deque
animæ nostræ salute accuratiū cogite-
mus.

Si gratiæ, quas modò tibi impetrat
Deus, concederentur damnatis, tanto
fervore illum hi diligenter, ut omnibus
se peccatis, & peccatorum pænis essent
exempturi. Gentes etiam immanitate
barbaræ vitium unum aliquod quo-
tidie extirparent, assiduūque in fervore
caperent incrementum, atque in virtutum
studio mirabiliter proficerent, nec non
ad summam pervenirent Sanctitatem, si
tempus, Dei cognitio, crebræque mentis
illuminationes, aliavè adminicula illis
suppeditarentur, quæ à Divinâ manu tam

(a) *De verâ Sapientiâ.*

libera-